

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијси савјет

ZAKLJUČAK
o odbacivanju Prijave koncentracije
privrednog subjekta Triglav INT d.d. Ljubljana

februar, 2017. godine



Broj: UP 04-26-1-003-8/17

Sarajevo, 28.02.2017. godine

Na osnovu člana 25. stav (1) tačka e), člana 42. stav (2), a u vezi s članom 12. Zakona o konkurenciji („Službeni glasnik BiH“, br. 48/05, 76/07 i 80/09), rješavajući po Prijavi koncentracije privrednog subjekta Triglav INT, holdinška družba d.d., Dunajska cesta 22, 1000 Ljubljana, Republika Slovenija zaprimljenoj dana 27.01.2017. godine pod brojem: UP 04-26-1-003-1/17, Konkurencijsko vijeće Bosne i Hercegovine, na 141. (stotinučetredesetprvoj) sjednici održanoj dana 28.02.2017. godine, donijelo je

Z A K L J U Č A K

1. Odbacuje se Prijava koncentracije privrednog subjekta Triglav INT d.d., Dunajska cesta 22, 1000 Ljubljana, Republika Slovenija, radi nepostojanja koncentracije u smislu člana 12. stav (1) Zakona o konkurenciji.
2. Ovaj Zaključak bit će objavljen u „Službenom glasniku BiH“, službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 27.01.2017. godine, zaprimilo Prijavu koncentracije (u daljem tekstu: Prijava) broj: UP 04-26-1-003-1/17, privrednog subjekta Triglav INT, holdinška družba d.d., Dunajska cesta 22, 1000 Ljubljana, Republika Slovenija (u daljem tekstu: Triglav INT ili Podnosilac prijave), koja predstavlja povećanje vlasničkog udjela od (...) *10%, odnosno glasačkog prava od (...) *% u privrednom subjektu Triglav osiguranje d.d. Dolina 8, 71 000 Sarajevo, Bosna i Hercegovina (u daljem tekstu: Triglav osiguranje ili ciljno društvo) na (...) *% vlasničkog udjela.

Nakon izvršenog uvida u Prijavu, Konkurencijsko vijeće je dana 23.02.2017. godine, Podnosiocu prijave izdao Potvrdu o prijemu uredne i kompletne prijave broj: UP 04-26-1-003-6/17 u smislu člana 30. stav (3) Zakona o konkurenciji (u daljem tekstu: Zakon).

Konkurencijsko vijeće je u postupku ocjene predmetne transakcije utvrdilo slijedeće činjenice:

Prijava je podnesena u roku u smislu člana 16. stav (2) Zakona.

1. Učesnici predmetne transakcije

¹ (...) * Podaci predstavljaju poslovnu tajnu

Učesnici koncentracije su privredni subjekt Triglav INT, holdinška družba d.d., Dunajska cesta 22,1000 Ljubljana, Slovenija i Triglav osiguranje d.d., Sarajevo, Ulica Dolina 8, 71000 Sarajevo, Bosna i Hercegovina.

1.1. Privredni subjekt Triglav INT d.d. Ljubljana

Privredni subjekt Triglav INT, holdinška družba d.d., Dunajska cesta 22,1000 Ljubljana, Republika Slovenija je upisan u Poslovnom registru Slovenija 19.11.2010. godine pod matičnim brojem: 3852750000.

Podnosilac Prijave ostvaruje udio u vlasničkoj strukturi kapitala slijedećih privrednih subjekata (povezana privredna društva) :

- Triglav Osiguranje a.d., Banja Luka –(...) *% vlasnički udio
- Triglav Auto d.o.o., Banja Luka –(...) *% vlasnički udio Triglav osiguranje a.d., Banja Luka

1.1.1. Privredni subjekt Triglav osiguranje d.d., Sarajevo

Privredni subjekt Triglav osiguranje d.d., Sarajevo, Ulica Dolina 8, 71000 Sarajevo, Bosna i Hercegovina je upisan u registru Općinskog suda u Sarajevu, pod matičnim brojem: 65-02-0005-11.

Privredni subjekt Triglav osiguranje ostvaruje udio u vlasničkoj strukturi kapitala slijedećih privrednih subjekata (povezana privredna društva) :

- Autocenter BH d.o.o., Sarajevo –(...) *% vlasnički udio Triglav osiguranje d.d., Sarajevo
- Sarajevostan d.d., Sarajevo – (...) *% vlasnički udio Triglav osiguranje d.d., Sarajevo
- Unis automobili i dijelovi d.o.o., Sarajevo –(...) *% vlasnički udio Triglav osiguranje d.d., Sarajevo
- TRIGLAV SAVJETOVANJE d.o.o. Sarajevo – (...) *% vlasnički udio Triglav osiguranje d.d

2. Pravni osnov predmetne transakcije

Pravni osnov predmetne transakcije je kupovina dionica preko Sarajevske berze, i to na osnovu Naloga za kupovinu vrijednosnih papira broj: 151348 izdatog Raiffeisen Bank d.d. BiH, dana 18.01.2017.godine od strane privrednog subjekta Triglav INT, a za kupovinu redovnih dionica privrednog subjekta Triglav osiguranje. Predmetna transakcija predstavlja povećanje vlasničkog udjela privrednog subjekta Triglav INT od (...) *%, odnosno glasačkog prava od (...) *% u privrednom subjektu Triglav osiguranje d.d. na (...) *% vlasničkog udjela.

3. Ocjena predmetne transakcije

Analizom dostavljenih podataka i dokumentacije, Konkurencijsko vijeće je utvrdilo da predmetna transakcija ne ispunjava uslove iz člana 12. stav (1) Zakona, jer neće doći do sticanja kontrole ili dominantnog uticaja privrednog subjekta Triglav INT nad privrednim subjektom Triglav osiguranje, obzirom da je Podnosilac prijave od ranije vlasnik (...) *% dionica u osnovnom kapitalu, odnosno glasačkog prava od (...) *% u u privrednom subjektu Triglav osiguranje.

Na osnovu navedenog, privredni subjekt Triglav INT nije bio u obavezi podnijeti prijavu koncentracije, te je Konkurencijski savjet odlučio kao u dispozitivu ovog Zaključka.

4. Administrativna taksa

Podnosilac Prijave na ovaj Zaključak, u skladu sa članom 2. Tarifni broj 108. tačka d) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik

BiH“, br. 30/06 i 18/11) dužan je platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

5. Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Zaključka.

Predsjednik

mr Arijana Regoda-Dražić